

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
- Općinski načelnik-

Broj: 07-1692/18

Datum, 29. 05. 2018. godine

Općinski načelnik na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14), Odluke o izvršenju budžeta općine Srebrenik, („Službeni glasnik općine Srebrenik“, broj: 1/18), čl. 38. i 118. Statuta općine Srebrenik („Službeni glasnik općine Srebrenik“, broj: 1/08) na preporuku Komisije za javnu nabavku broj: 07-1692/18 od 29.05.2018. godine, u postupku javne nabavke: Izvođenje radova na popravci i održavanju cesta, mostova i nasipa na području općine Srebrenik za 2018. godinu općina Srebrenik, je d o n i o:

O D L U K U
O IZBORU NAJPOVOLJNIJEG PONUĐAČA

I

Prihvata se preporuka Komisije za javnu nabavku, broj: 07-1692/18 od 29.05.2018. godine i Okvirni sporazum za **Izvođenje radova na popravci i održavanju cesta, mostova i nasipa na području općine Srebrenik za 2018. godinu**, dodjeljuje se ponuđaču **"JATA GROUP" DOO Srebrenik**, ponuda broj: 01-46/18 od 28.05.2018. godine, za ponuđenu cijenu od **99.852,90 KM sa PDV-om** kao prihvatljivu.

II

Ova odluka objavit će se na web-stranici **www.srebrenik.ba** istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

O B R A Z L O Ž E N J E

Postupak javne nabavke pokrenut je Odlukom o pokretanju postupka javne nabavke broj: 07-1692/18 od 03.05.2018. godine.

Javna nabavka je sprovedena po otvorenom postupku broj: 07-1692/18 od 07.05.2018. godine.

Procijenjena vrijednost javne nabavke bez PDV-a je 85.470,09 KM.

Obavještenje o nabavci broj: 761-1-3-43-3-31/18 poslato je na objavljivanje dana 07. 05. 2018. godine i "Službenom glasniku BiH" broj: 30 od 11. 05. 2018. godine.

Komisija za javnu nabavku imenovana je Rješenjem broj: 07-1692/18 od 07.05.2018. godine.

Ponude po otvorenom postupku za predmetnu nabavku su dostavili sljedeći ponuđači:

1. "JATA GROUP" DOO Srebrenik, u ukupnom iznosu od 85.344,40 KM (bez PDV-a),
2. INTERTRANS-KOMERC MUSIĆ DOO, u ukupnom iznosu od 99.181,50 KM (bez PDV-a).

U prvom dijelu rada Komisije, konstatovano je da su, blagovremeno, pristigle dvije pravilno zatvorene ponude. Nakon toga, Komisija je isčitala ponuđene cijene i završila prvi dio svoga rada.

U drugom dijelu rada, Komisija je pristupila detaljnom pregledanju dostavljenih ponuda, u cilju utvrđivanja da li su dostavljeni svi traženi dokazi i da li isti ispunjavaju kvalifikacione uslove.

Pregledanjem ponude ponuđača **"JATA GROUP" DOO Srebrenik**, Komisija je konstatovala da je ista potpuna tj, da svi dokazi za kvalifikaciju zadovoljavaju zahtijevane kvalifikacione uslove i prihvatljiva je za daljnje razmatranje.

Računskom provjerom nisu utvrđene računске greške.

Pregledanjem ponude ponuđača **INTERTRANS-KOMERC MUSIĆ DOO Srebrenik**,

Komisija je konstatovala da ista nije potpuna iz razloga što ponuđač nije dostavio dokaz u skladu sa tačkom 13.3. alineja 4. tenderske dokumentacije da ima u vlasništvu ili na raspolaganju 10 kamiona za transport i istovar materijala nosivosti 25 tona, a kako je to propisano u tački 12. tenderske dokumentacije. Dalje, Komisija je konstatovala da je ponuđač dostavio dokaz, upotrebnu dozvolu za 1 valjak, i 1 građevinsku mašinu kombinirke, a u tenderskoj dokumentaciji je traženo da ponuđač ima u vlasništvu ili na raspolaganju 2 komada valjka tamponske težine jednake ili veće od 15 tona i 2 građevinske mašine kombinirke SKIP.

Iz gore navedenog razloga, a u skladu sa članom 68. stav (4) tačka i) Zakona o javnim nabavkama odbacuje se ponuda ponuđača INTERTRANS-KOMERC MUSIC DOO Srebrenik kao neprihvatljiva.

Ponuđač "JATA GROUP" DOO Srebrenik je u ponudi dostavio dokumentaciju po članu 45. ZJN (ovjerene kopije) i ovjerenu kopiju izvještaja Centralne banke BiH, te Komisija, nakon što je pregledala dostavljene dokumente, je konstatovala da svi dostavljeni dokazi zadovoljavaju zahtijevane kvalifikacione uslove i iste dokaze ponuđač nije obavezan naknadno dostavljati.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stav 1. tačka b) Zakona o javnim nabavkama, te članova 38. i 118. Statuta općine Srebrenik („Službeni glasnik općine Srebrenik“, broj: 1/08), odlučeno je kao u tački I. ove odluke.

POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema odluke o izboru ponuđača.

Žalba se izjavljuje ugovornom organu u pisanoj formi direktno, ili preporučenom poštanskom pošiljkom.

Žalba se podnosi u najmanje tri primjerka.

Dostavljeno:

1. Ponuđačima 2x,
- ② Evidenciji,
3. Arhivi.

